

Broj: 03-04-1135-30/23
Sarajevo, 07.11.2023. godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 08-11-2023			
Org. jed.	Broj	Priloga	Vrijednost
05/1	- 02 -	353	123

PARLAMENT FEDERACIJE BOSNE I HERCEGOVINE

Zastupnički dom

n/p gosp. Ivanu Miličeviću, tajniku ✓
n/p gosp. Harisu Silajdžiću, zastupniku

Predmet: Odgovor na zastupničko pitanje

Poštovani,

Sukladno članku 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u svezi sa člankom 116. Poslovnika Zastupničkog doma Parlamenta Federacije Bosne i Hercegovine („Službene novine Federacije BiH“, br: 69/07, 2/08 i 26/20), u privitku Vam dostavljam akt Federalnog ministarstva energije, rudarstva i industrije, broj:05-02-4-1586/23 od 30. listopada 2023. godine, koji se odnosi na zastupničko pitanje zastupnika Harisa Silajdžića.

S poštovanjem,



Privitak: kao u tekstu

11331

Broj: 05-02-4-1586/23
Mostar, 30.10.2023. godine

BOSNA I HERCEGOVINA
FEDERACIJA BOSNE I HERCEGOVINE
VLADA FEDERACIJE BOSNE I HERCEGOVINE
Generalni sekretarijat Vlade Federacije Bosne i Hercegovine
n/r g-đa Edita Kalajdžić, sekretar Vlade

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 06.11.2023			
Organizaciona jedinica	Klasifikacija	Redni broj	Broj priloga
03-04-1135-30/2023			

PREDMET: Poslaničko pitanje, odgovor – dostavlja se

Veza: Vaš akt broj: 03-04-1135-30/23 od 05.10.2023. godine

Poštovani,

U prilogu Vašeg akta bliže naznačenog dopisom veze, dostavili ste, na nadležno postupanje, poslanička pitanja koje je na 5. redovnoj sjednici Predstavničkog doma Parlamenta Federacije Bosne i Hercegovine, postavio poslanik Haris Silajdžić.

Prvim poslaničkim pitanjem se od ovog Ministarstva traži odgovor **citiram**: "Na osnovu čega ste odredili zabranu u usvojenom zakonu od 10 megavata da li je to na osnovu stručne komisije, ako jeste koji je... njihovim referencama a ako ne onda da kažete javnosti da li je to na osnovu lobiranja udruženja i NVO sektora?" – **kraj citata.**

Drugim poslaničkim pitanjem se od ovog Ministarstva traži odgovor pitanje **citiram**: "U kojoj ste fazi sa uspostavom sistema sa trgovanja emisijama kako bi izbjegli primjenu CBAM u prevodu mehanizam prekograničnog poravnavanja emisije ugljika. Posljedice ukoliko se ne poduzmu neophodne radnje su takve da elektroprivrede u BiH neće moći uopće izvoziti električnu energiju a ostalih pet sektora će morati plaćati takse i biće upitan njihov način poslovanja. Pozadina ovog pitanja tj.: suština jeste da se sa uspostavom gore pomenutog sistema novac sačuva u BiH a ne da ga dajemo u EU. Iznosi koji su ovdje u pitanju iznose stotine miliona KM a po nekim računicama i preko milijarde na godišnjem nivou." **kraj citata.**

U skladu sa postavljenim poslaničkim pitanjima u nastavku slijedi odgovor na ista:

1. Odgovor na prvo poslaničko pitanje:

Uvažavajući dostavljeno pitanje i pretpostavljajući da se radi o Zakonu o električnoj energiji Federacije Bosne i Hercegovine ("Službene novine Federacije BiH", broj: 60/23), te da se navedena zabrana odnosi na odredbu člana 42. stav (3), kojim je propisano da se energetske dozvole ne mogu izdati za izgradnju hidroelektrana instalisane snage manje od 10 MW, izuzev za hidroelektrane na gravitacionim vodovodima, napominjemo cijenjenog poslanika da je, u skladu sa članom 20. stav (1) tačka d) Ustava Federacije Bosne i Hercegovine, Parlament Federacije nadležan i za donošenje zakona o vršenju funkcija federalne vlasti. Federalno ministarstvo

energije, rudarstva i industrije, kao službeni obrađivač Zakona o električnoj energiji Federacije Bosne i Hercegovine je pripremio Prijedlog nacrtu Zakona, kojeg je Vlada usvojila u formi Nacrta zakona, te uputila u daljnju parlamentarnu proceduru. Kao što Vam je poznato, Zakon o električnoj energiji Federacije Bosne i Hercegovine je prošao redovnu proceduru donošenja. Napomene radi, Parlament Federacije Bosne i Hercegovine je na sjednici Predstavničkog doma održanoj 27.07.2022. godine i sjednici Doma naroda održanoj 28.07.2022. godine donio Zaključke o prihvatanju Nacrta Zakona o energiji i regulaciji energetske djelatnosti u FBiH, Nacrta Zakona o električnoj energiji FBiH i Nacrta Zakona o korištenju obnovljivih izvora energije i efikasne kogeneracije te naložio održavanje javnih rasprava o ovim zakonima, a u vezi predmetnog Zakona, Zaključkom Predstavničkog doma Parlamenta Federacije Bosne i Hercegovine broj: 01-02-1373/22 od 27.07.2022. godine i Zaključkom Doma naroda Parlamenta Federacije Bosne i Hercegovine broj: 02-02-1373/22 od 28.07.2022. godine održavanje javne rasprave o nacrtu Zakona o električnoj energiji FBiH. Obzirom na važnost predloženog seta zakona iz sektora energije, Ministarstvo se opredijelilo za održavanje četiri usmene javne rasprave, kako slijedi:

- dana 18.08.2022. godine u 11:00 sati, u Sarajevu, u prostorijama Privredne/gospodarske komore FBiH, Branislava Đurđeva 10, Sarajevo,
- dana 19.08.2022. godine u 11:00 sati, u Tuzli, u prostorijama Privredne komore Tuzlanskog kantona, Trg slobode b.b., Tuzla,
- dana 22.08.2022. godine u 11:00 sati, u Mostaru, u prostorijama Ureda Privredne/gospodarske komore FBiH, Kneza Domagoja 12, Mostar,
- dana 23.08.2022. godine u 11:00 sati, u Zenici, u prostorijama Privredne komore Zeničko-dobojskog kantona, ul. Mehmedalije Tarabara 15, Zenica.

Na izradi Nacrta Zakona o električnoj energiji FBiH radila je komisija od 17 članova, sastavljena od predstavnika FMERI i obe Elektroprivrede i uz tehničku asistenciju USAID, u saradnji sa Regulatornom komisijom za energiju u FBiH.

Nakon obavljenih javnih rasprava Vlada Federacije BiH je, na prijedlog ovog Ministarstva utvrdila Prijedlog Zakona o električnoj energiji FBiH i uputila ga u daljnju parlamentarnu proceduru. Prijedlog Zakona je usvojen od strane Parlamenta Federacije Bosne i Hercegovine i objavljen u Službenim novinama Federacije Bosne i Hercegovine. Uvažavajući prethodno navedeno, ovo Ministarstvo nije moglo odrediti "zabranu" u usvojenom zakonu već je, kao što je već i navedeno Parlament Federacije Bosne i Hercegovine usvojio Zakon o električnoj energiji FBiH.

2. Odgovor na drugo poslaničko pitanje:

Bosna i Hercegovina preuzela je međunarodne i nacionalne obaveze za smanjenje emisija i određivanje cijena ugljika. Ministarstvo vanjske trgovine i ekonomskih odnosa (MVTEO) BiH izrazilo je ambiciju za implementaciju sheme određivanja cijena i trgovanja emisijama ugljika do 2026. To je, između ostalog, potaknuto uvođenjem mehanizma za granično prilagođavanje emisija ugljika (CBAM) od strane Evropske unije. Na regionalnom nivou, BiH je potpisala Sofijsku deklaraciju o Zelenoj agendi za zapadni Balkan kojom se zemlja obavezuje na usklađivanje s relevantnim zakonodavstvom EU. Deklaracija priznaje Evropski zeleni dogovor i uključuje višestruke obaveze radi usklađivanja s klimatskom politikom EU-a i Zelenim dogovorom. Kao ugovorna strana Energetske zajednice, BiH se mora uskladiti s pravnom stečevinom EU o energiji, okolišu, konkurenciji i obnovljivim izvorima energije; koji uključuju zakonodavstvo EU-a u **vezi s određivanjem cijena ugljika**. Ove obaveze zahtijevaju uvođenje sistema trgovanja emisijama (ETS) u BiH. Dakle, ako BiH želi pristupiti EU, mora učestvovati u EU ETS-u. Uz podršku Energetske zajednice, BiH je izradila mapu puta za određivanje cijena ugljika do 2026. godine. U

toku su aktivnosti na uspostavi sistema za trgovanje emisijama tj. sistem oporezivanja CO₂.

Važno je napomenuti da je **primjenu CBAM mehanizma moguće odgoditi do 2030. godine**, uz ispunjenje **niza uslova**, kao što su:

- potpisan sporazum sa EU o prihvatanju obaveza iz domena električne energije,
- implementirane glavne odredbe propisa EU vezanih za tržište električne energije, razvoj OIE i povezivanje tržišta,
- da je Evropskoj komisiji dostavljena Mapa puta za postizanje klimatske neutralnosti do 2050. godine,
- Uvođenje ETS mehanizma do 2030 godine.


BiH je najavila ambiciju uvođenja nacionalnog ETS-a u svrhu smanjenja emisija stakleničkih plinova, kao i izbjegavanja CBAM plaćanja prema EU21. MVTEO je zatražilo tehničku pomoć od Svjetske banke, zajedno s drugim donatorima, kako bi podržali implementaciju ETS-a.

Federalno ministarstvo energije, rudarstva i industrije i Federalno ministarstvo okoliša i turizma, učestvuju u svim aktivnostima koje poduzima MVTEO s ciljem uspostave ETS sistema. Jedna od aktivnosti na putu uspostave ETS-a je i uspostava organizovanog tržišta električne energije u BiH. Također, na Ministarskom sastanku održanom 15.12.2022. godine usvojeni su novi mrežni kodovi i smjernice te Uredba EU 2019/943 o unutrašnjem tržištu električne energije (CACM - Uredba). Usvajanjem CACM Uredbe, svaka Ugovorna strana Energetske zajednice je dobila obavezu da u svakoj zoni trgovanja na svojoj teritoriji imenuje najmanje jednog nominovanog operatora tržišta električne energije (NEMO) odgovornog za izvršavanje zadataka vezano za integraciju tržišta za dan-unaprijed i unutar dana (market coupling).

U vezi navedenog, te dostavljenim imenovanjima od strane entitetskih ministarstava, ministar MVTEO BiH je donio Odluku broj: 01-02-1188/23 od 05.04.2023. godine, o imenovanju Radne grupe za pripremu prijedloga izmjena i dopuna Zakona o prenosu, regulatoru i operatoru sistema električne energije u Bosni i Hercegovini. S obzirom da je u radu Radne grupe konstatovano da je neophodno dodatno raditi na Zakonu o regulatoru električne energije i prirodnog gasa, prenosu i tržištu električne energije u BiH, ministar MVTEO BiH je donio Odluku o imenovanju Radne grupe za nastavak rada na izradi navedenog zakona (u prilogu).

Ovo Ministarstvo će i dalje, u okviru svojih nadležnosti, provoditi i podržavati aktivnosti na uvođenju ETS sistema u BiH, kako bi se blagovremeno stvorile pretpostavke za uvođenje ETS-a te izbjegavanje CBAM mehanizma.

S poštovanjem,



Prilog: kao u tekstu (2 stranice)

Dostaviti:

- Naslovu
- 05
- a/a



Na osnovu člana 16. i 61. Zakona o upravi ("Službeni glasnik BiH", br. 32/02, 102/09 i 72/17) i člana 9. Zakona o ministarstvima i drugim organima uprave Bosne i Hercegovine („Službeni glasnik BiH”, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17), ministar spoljne trgovine i ekonomskih odnosa BiH, donosi

ODLUKU
o imenovanju Radne grupe
za nastavak rada na izradi i usaglašavanju Zakona o regulatoru električne energije i
prirodnog gasa, prenosu i tržištu električne energije u Bosni i Hercegovini

Član 1.
(Predmet)

Ovom Odlukom se imenuje Radna grupa za nastavak rada na izradi i usaglašavanju Zakona o regulatoru električne energije i prirodnog gasa, prenosu i tržištu električne energije u Bosni i Hercegovini (u daljem tekstu: Radna grupa) i utvrđuju se zadaci Radne grupe.

Član 2.
(Članovi Radne grupe)

- a) Admir Softić, predsjedavajući – Ministarstvo spoljne trgovine i ekonomskih odnosa BiH,
- b) Branka Knežević, član - Ministarstvo spoljne trgovine i ekonomskih odnosa BiH,
- c) Julija Čilimković, član – Državna regulatorna komisija za električnu energiju,
- d) Nemanja Pandurević, član – Nezavisni operator sistema u BiH,
- e) Muhamed Mujakić, zamjenski član – Nezavisni operator sistema u BiH,
- f) Cvjetko Žepinić član – Elektroprenos BiH
- g) Nedžad Numić, zamjenski član – Elektroprenos BiH
- h) Vitomir Dodig, zamjenski član – Elektroprenos BiH
- i) Zoran Savić, član – Ministarstvo energetike i rudarstva RS,
- j) Maja Mrkić – Bosančić, član – Ministarstvo energetike i rudarstva RS,
- k) Mladen Mitrović, član – Ministarstvo energetike i rudarstva RS,
- l) Milan Janković, član – Ministarstvo energetike i rudarstva RS,
- m) Sanjin Habul, član – Federalno ministarstvo energije, rudarstva i industrije,
- n) Darko Pranjić, član - Federalno ministarstvo energije, rudarstva i industrije,
- o) Halko Balavac, član – Federalno ministarstvo energije, rudarstva i industrije,
- p) Belma Filipović, član - Federalno ministarstv energije, rudarstva i industrije,

U zavisnosti od iskazanih potreba, za obavljanjem zadataka Radne grupe, ista se može dopuniti novim članovima.

**Član 3.
(Zadatak)**

Članovi Radne grupe će nastaviti rad na tekstu Prednacrtu Zakona o regulatoru električne energije i prirodnog gasa, prenosu i tržištu električne energije u Bosni i Hercegovini u skladu sa prihvaćenim obavezama iz Ugovora o uspostavi energetske zajednice.

**Član 4.
(Naknada)**

Troškove rada i učešća u radu članova Radne grupe, snose institucije ispred kojih dolaze imenovani članovi.

**Član 5.
(Stupanje na snagu)**

Ova Odluka stupa na snagu danom donošenja.

Broj: 09-1-02-4032-52/16
Sarajevo, 02.10.2023.godine

